

bi bilo onog poznatog njegovog oblika tijela, pomislio bi da se radi o klenu sa njegovim zelenim i neuglednim krljuštima. Ribolovci sa Plive kažu da su najuspješnije lovili lipljana na mušicu u decembru pri najvećoj vijavici.

Jajce, kao drevnu prijestolnicu bosanskih kraljeva, kao i po onom što se u tom gradu zbivalo tokom Narodnooslobodilačke borbe, ima veliki istorijski značaj. Zbog toga, a naročito zbog svoga geografskog položaja to je već odavno veliki turistički centar. Gradić leži na dvije neobično lijepe i bogate planinske rijeke; u njega se stječe veliki broj komunikacija, postoje vrlo dobre veze u svim pravcima. Dakle, Jajce ne samo da je polazna baza već i centar sportskog ribolova, jer su Pliva i Vrbas u samom centru bogati pastrmkom i lipljanom, a Vrbas i mladicom, tako da se može uspješno loviti takoreći u samom gradu na obalama rijeke. Ribolovci, članovi bilo kojeg društva u ze-

mlji, plaćaju dnevnu dozvolu 80 dinara. Oni koji nisu članovi društva plaćaju 200 dinara, ali uz dokaz da su na godišnjem odmoru mogu dobiti dozvolu po 80 dinara dnevno samo za najmanje 7 dana.

Završetkom hidro-energetskog sistema u blizini Jajca, ovaj gradić će mnogo izgubiti od svojih prirodnih ljepota, ili bolje reći ostaće osakaćen. Nastaće vodopada Plive, a isto tako i oko 4 km najbučnijeg i najnemirnijeg njenog toka od Jezera do pada u Vrbas. Podzemnim tunelom rijeka se odvodi iz Plivskih jezera u kanjon Vrbasa, ispod Jajca i tamo će pokretati turbine hidrocentrale. Vrlo je teško podmiriti potrebe za energijom, sa potrebama da se očuva priroda u svom praiskonskom obliku. Teško je reći da li se na jednoj strani dobiva koliko na drugoj gubi. Čovjek koji voli prirodu u ovom sporu ne može ostati nepristrasan.

## VIJESTI IZ NARODNIH REPUBLIKA

### UNIŠTAVANJE RIBE OTPADNIM VODAMA

Ni veliko uništavanje ribe prošlog leta u reci Bosni otpadnim vodama, nije opametilo naša industrijska preduzeća da preduzmu mere predostrožnosti u tom pravcu, zato i druga takva preduzeća ne obraćaju nikakvu pažnju odstranjivanju otpadnih voda filtarskim mehanizmima pri oticanju u ribolovne vode, već ih puštaju onako zagađene kakve su, i od toga uginu masa ribe.

Šta su učinile republičke vlasti u Bosni i Hercegovini da bi se sprečavale takve pojave u budućnosti, i zašto javnost nije obavještena da li su krivci za to masovno uništavanje ribe bili kažnjeni.

Ovakve pojave česte su i u vodama Vojvodine. Tako je pre nekog vremena u Velikom bačkom kanalu nastalo trovanje ribe. Naročito veliko zagađenje je zapaženo i utvrđeno kod položaja nazvan Desna delta. Mala količina kiseonika, mnogo amonijaka i raspadnutih organskih materija nepovoljno su uticale na opstanak ribe u toj vodi, naročito od Vrbasa do Turije, gdje je zapaženo vrlo mnogo-

uginule ribe. Za postojeće šećerane, štofare i kudeljare u okolini Velikog bačkog kanala izgleda da ne važe postojeći zakonski propisi po kojima se moraju zaštićivati ribolovne vode od zagađivanja.

Slična zagađivanja događaju se i u nekim ribolovnim vodama Makedonije, naprimjer, u gornjem slivu Vardara, pošto fabrike iz Tetova nemaju nikakvih filtera za pročišćavanje otpadnih voda. I u tim vodama uginula je veća količina ribe usled nepovoljnih uslova za život. Osim toga i ribokradice i dinamitaši gospodare u rekama oko Tetova: Bistrici, Madrači, Bogovinjskoj Reci i drugim manjim vodama, što sve smanjuje riblji fond tih voda.

Kako izgleda, u mnogim krajevima države svake godine pojavljuju se ugušivanja ribe, uništavanja dinamitom, upotrebom nedozvoljenog alata, o tome se piše, javnost u tom pogledu negoduje, ne samo profesionalni ribari i sportisti ribolovci, ali slabo se čuje da je neko za takva nedozvoljena dela bio primerno kažnjen.

A. T.

## Ribnjačarstvo »KONČANICA«

Želj. stanica: KONČANICA

Telefon broj 1

Pošta: VELIKI ZDENCI

Tekući račun kod Narodne Banke Daruvar br. 450 - T - 124

### VRŠI UZGOJ I PRODAJU

TOVLJENIH ŠARANA, SOMOVA, SMUĐEVA I LINJAKA.

RIBU OTPREMA U VLASTITIM SPECIJALNIM VAGONIMA U ŽIVOM STANJU  
U TUZEMSTVO I INOZEMSTVO